

Finamiras da la politica d'energia da la regenza grischuna

1. Produzziun d'energia cun ovras idraulicas grondas

La produzziun d'electricidad cun ovras idraulicas grondas (> 10 MW) vegn augmentada fin l'onn 2035 per 860 GWh/onn (basa 2011). En il rom da concessiunaments fa il chantun sche pussaivel valair ses dretg da participaziuns, e quai en coordinaziun cun las vischnancas.

2. Produzziun da novas energias regenerablas, cun ovras idraulicas pitschnas e cun implants coproductivs d'electricidad termica

La produzziun d'electricidad cun ovras idraulicas pitschnas (< 10 MW) vegn augmentada fin l'onn 2035 per 600 GWh/onn (basa 2011).

3. Commerzi e distribuziun

La participaziun dal chantun a la Repower SA vegn mantegnida. La participaziun dal chantun a la Grischelectra SA vegn mantegnida. La societad vegn rinforzada sco instrument da la politica d'electricidad dal Grischun.

Il chantun Grischun è avert per novs partenadis e per novs instruments.

4. Raits d'electricidad/ segirezza dal provediment

In provediment d'electricidad segir cun ina quantidad suffizienta d'electricidad en la qualitat necessaria è garantì tras las interpresas da provediment d'electricidad.

En il sector dal transport e da la distribuziun è il dumber da gestiunaris reduci considerablamain fin l'onn 2035.

5. Effizienz en il sector d'electricidad

En il Grischun vegnan consumadas fin l'onn 2035 maximalmain 2000 GWh

electricidad per onn (senza l'energia per las ovras d'accumulaziun a pumpa).

Il consum d'electricidad dals edificis chantunals è covrì a 100 pertschient cun energias regenerablas e reduci per 20 pertschient fin l'onn 2035 (basa 2011).

6. Return a la concedanta e nov concessiunament

Las vischnancas ed il chantun fan valair consequentamain ed en moda coordinada lur dretg d'exequir il dretg da return dals implants per augmentar la valorisaziun che resulta da la forza idraulica.

Sco conseguenza da ses dretg d'exequir il dretg da return dals implants è il chantun participà vi da societads d'ovras electricas cun ina quota ch'è pli gronda che l'actuala.

Il profil da scadenza da las ovras electricas che returnan a las concedantas è gulivà fin l'onn 2035 grazia a la favurisaziun da novs concessiunaments anticipads.

7. Imposiziun d'ovras partenarias

Fin l'onn 2020 pajan las ovras da produzziun dapli taglias en il Grischun per lur gudogns d'interpresa.

8. Interpresas industrialas che dovran fitg blera energia

La pussaivladad da retrair electricidad per in pretsch favuraivel vegn examinada fin l'onn 2015.

9. Cleantech

En coordinaziun cun la scola auta specialisada da la Svizra orientala èn l'instrucziun e la perscrutaziun appligada en il sector da las energias regenerablas rinforzadas fin l'onn 2015.